

西域历史编年

(四)

公元十四世纪至十七世纪明代

冯志文辑

喀什师范学院图书馆编印

一九八三年三月

535

明太祖朱元璋

洪武七年（公元1374年）

（安定卫）遣使朝贡。太祖遣官厚赏其王，而分其地为阿端、阿真、若先、帖里四部，各赐以印。

《明会要·外蕃、安定卫》

是年，撒里畏兀儿入贡。

《明史·太祖本纪》二

洪武八年（公元1375年）

（安定卫）遣使来贡，请置安定、阿端二卫。从之。

《明会要·外蕃，安定卫》

置（阿端卫），后为多尔济巴勒（旧作朵尔只巴）所破，其卫遂废。

（同上）

洪武十年（公元1377年）

（安定）王为其部沙喇（旧作沙刺）所弑。王子巴勒桑实里（旧作板咱失里）复仇，诛沙喇；寻又为沙喇部将所杀，其众遂衰。

（同上）

洪武十三年（公元1380年）

都督濮英练兵西凉，请出师略地，开哈梅里之路以通商旅。太祖赐玺书曰：“略地之请，听尔便宜。然将以谋为本，尔慎毋忽。”英遂进兵。（哈梅里）兀纳失里惧，遣使纳款。

《明史·西域二·哈梅里》

洪武十四年（公元1381年）

五月，（哈梅里）遣回回阿老丁来贡马。诏赐文绮，遣往畏兀儿之地，招谕诸番。

（同上）

太祖欲通西域，屡遣使招谕（撒马儿罕），而遐方君长未有至者。

《明史·西域四、撒马儿罕》

洪武二十年（公元1387年）

九月，（撒马儿罕）帖木儿首遣回回满刺哈非思等来朝，贡马十五、驼二。诏宴其使，赐白金十有八锭。自是频岁贡马驼。

（同上）

洪武二十一年（公元1388年）

蓝玉征沙漠，至捕鱼儿海，获撒马儿罕商人数百。太祖遣官送之还，道经别失八里。其王黑的儿火者，即遣千户哈马力丁等来朝，贡马及海青。

《明史·西域四·别失八里》

撒马儿罕及别失八里咸朝贡，哈烈道远不至。

《明史·西域四·哈烈》

是年，撒马儿罕入贡。

《明史·太祖本纪》三

洪武二十三年（公元1390年）

帝闻（哈梅里）兀纳失里与别部仇杀，谕甘肃都督宋晟等严兵备之。

《明史·西域四·哈梅里》

是年，哈梅里入贡。

《明史·太祖本纪》三

洪武二十四年（公元1391年）

七月，（别失八里贡使）达京师。帝喜，赐王彩币十里，使者皆有赐。

《明史·西域四·别失八里》

八月乙亥，都督金事刘真、宋晟讨哈梅里，败之。

《明史·太祖本纪》三

八月，元诸王兀纳失里居哈梅里，西域回纥来贡者，多为所遏，有从他道来者，又兵邀杀之。帝闻之，怒。乙亥，命都督金事刘真、宋晟讨之。其地距肃州千余里，晟令军中多具粮糗，倍道疾驰，乘夜直抵城下，四面围之。其知院岳山夜缒城降，黎明，金鼓声震地，阖城股栗。兀纳失里驰马三百余匹，突围而出，官军争取其马，兀纳失里帅家属乘间遁去。直等攻破其城，斩幽王别儿怯帖木儿、国公省阿桑儿只等一千四百人。获王子别列怯，收其部落辎重以归。

《明纪·太祖纪》六

是月，西域别失八里入贡。

（同上）

九月，命主事宽彻、御史韩敬、评事唐铎使西域。以书谕（别失八里）黑的儿火者曰：“朕观普天之下，后土之上，有国者莫知其几。虽限山隔海，风殊俗异，然好恶之情，血气之类，未尝异也。皇天眷佑，惟一视之。故受天命为天下之主者，上奉天道，一视同仁，俾巨细诸国，殊方异类之君民，咸跻乎仁寿。而友邦远国，顺天事大，以保国安民，皇天监之，亦克昌焉。曩者我中国宋君，奢纵怠荒，奸臣乱政。天监否德，于是命元世祖肇居朔漠，入统中华，生民赖以安静七十余年。至于后嗣，不修国政，任用非人，致纪纲尽弛，强凌弱，众暴寡，民生嗟怨，上达于天。天用是革其命，属之于朕。朕躬握乾符，以主黔黎。凡诸乱雄擅声教违朕命者兵偃之，顺朕命者德抚之。是以

三十年间，诸夏莫安。外藩宾服。惟元臣蛮子哈喇章等尚率残众，生衅寇边，兴师致讨，事不容已。兵至捕鱼儿海，故元诸王、驸马率其部属来降。有撒马儿罕数百人贸易来者，朕命官护归已三年矣。使者还，王即遣使来贡，朕甚嘉之。王其益监事之大成，通好往来，使命不绝，岂不保封国于悠久乎。特遣官劳赐，其悉朕意。”彻等既至，王以其无厚赐，拘留之。敬、钺二人得还。

《明史·西域四·别失八里》

十月乙丑，遣使谕西域。

《明史·太祖本纪》三

九月乙酉，遣主事宽彻等以书谕（别失八里）其王黑的儿火者曰：“曩者有宋之失政，天监否德，于是命元世祖肇基朔漠，入统中华，生民赖以安靖七十余年，至于后嗣，不修国政，任用非人，纪纲尽弛，民生嗟怨，天用是革其命，属之于朕。朕躬主黔黎，凡诸乱雄违命者兵偃之，顺命者德抚之。三十年间，诸夏莫安，外藩宾服。惟元臣蛮子哈喇章等，尚率残众，生衅寇边，兴师致讨，势不容已。兵至捕鱼儿海，故元王诸驸马，帅其部属来降。有撒马儿罕数百人，以贸易来者，命官护归已三年矣。使者还，王即遣使来贡，朕甚嘉焉。王其益监事大之诚，通好往来，使命不绝，岂不保国于悠久乎。”彻等至，黑的儿火者以无厚赐，拘留之。黑的儿火者亦元诸王也。

《明纪·太祖纪》六

十二月，别失八里、撒马儿罕入贡。

《明史·太祖本纪》三

（哈梅里）遣使请于延安、绥德、平凉、宁夏以马互市。帝曰：“番人黠而多诈。互市之求，安知非觖我。中国利其马而不虞其害，所丧必多。宜勿听，自今至者，悉送京师。”

《明史·西域二·哈梅里》

洪武二十五年（公元1392年）

（撒马儿罕）兼贡绒六匹，青梭幅九匹，红绿撒哈刺各二匹及鍔铁刀剑、甲冑诸物。而其国中回回又自驱马抵凉州互市。帝不许，命赴京鬻之。元时回回遍天下，及是居甘肃者尚多，诏守臣悉遣之，于是归撒马儿罕者千二百余人。

《明史·西域四·撒马儿罕》

遣官诏谕（哈烈）其王，赐文绮、彩币，犹不至。

《明史·西域四·哈烈》

是年，哈梅里入贡。

《明史·太祖本纪》三

洪武二十七年（公元1394年）

八月，（撒马儿罕）帖木儿贡马二百。其表曰：“恭惟大明大皇帝受天明命，统一四海，仁德洪布，恩养庶类，万国欣仰。咸知上天欲治平天下，特命皇帝出膺运数，为

亿兆之主。光明广大，昭若天镜，无有远近，咸照临之。臣帖木儿僻在万里之外，恭闻圣德宽大，超越万古。自古所无之福，皇帝皆有之。所未服之国，皇帝皆服之。远方绝域，昏昧之地，皆清明之。老者无不安乐，少者无不长遂，善者莫不蒙福，恶者莫不知惧。今又特蒙施恩远国，凡商贾之来中国者，使观览都邑、城池，富贵雄壮，如出昏暗之中，忽睹天日，何幸如之。又承敕书恩抚劳问，使站驿相通，道路无壅，远国之人咸得其济。饮仰圣心，如照世之杯，使臣心中豁然光明。臣国中部落，闻兹德音，欢舞感载。臣无以报恩，惟仰天祝颂圣寿福祿，如天地永永无极。”帝得表，嘉其有文。

《明史·西域四·撒马儿罕》

是年，撒马儿罕入贡。

《明史·太祖本纪》三

洪武二十八年（公元1395年）

命给事中傅安等赍玺书，币帛（赴撒马儿罕）报之。其贡马，一岁再至，以千计，并赐宝钞偿之。

《明史·西域四·撒马儿罕》

遣给事傅安、郭驥等士卒千五百人往（哈烈），为撒马儿罕所留，不得达。

《明史·西域四·哈烈》

洪武二十九年（公元1396年）

复安定卫。授其酋官，以安部众。

《明会要·外蕃·安定卫》

洪武三十年（公元1397年）

正月，复遣官赍书（别失八里）谕之曰：“朕即位以来，西方诸商来我国互市者，边将未尝阻绝。朕复敕吏民善遇之，由是商人获利，疆场无扰，是我中华大有惠于尔国也。前遣宽彻等往尔国通好，何故自今不返？吾于诸国，未尝拘留一人，而尔顾拘留吾使，岂礼也哉！是以近年回回入境者，亦令于中国互市，待彻归放还。后诸人言有父母妻子，吾念其至情，悉纵遣之。今复使使谕尔，俾知朝廷恩意，毋梗塞道路，致启兵端。

《书》曰：“怨不在大，亦不在小。惠不惠，懋不懋。”尔其惠且懋哉。”彻乃得还。

《明史·西域四·别失八里》

又遣北平按察使陈德文等往（哈烈），亦久不还。

《明史·西域四·哈烈》

明成祖朱棣

永乐元年（公元1403年）

成祖践祚，遣官赍玺书、彩币赐（哈烈）其王，犹不报命。

《明史·西域四·哈烈》

成祖即位，遣使往告（瓦剌）。永乐初，复数使镇抚答哈帖木儿等谕之，并赐马哈木等文绮有差。

《明史·外国九·瓦剌》

（年）初，遣官招谕（哈密）之，许其以马市易，即遣使来朝，贡马百九十匹。

《明史·西域一·哈密卫》

二月，贻书鬼力赤可汗赐以银币，并及其知院阿鲁台，丞相马儿哈咱等，许其遣使通好。

《明史·成祖纪一》

冬，遣官赉玺书、彩币使（别失八里）其国。未几黑的儿火者卒，子沙迷查干嗣。

《明史·西域四·别失八里》

十一月，（哈密使）至京，帝喜，赐赉有加，命有司给直收其马四千七百四十四。

《明史·西域一·哈密卫》

遣使敕谕（撒马儿罕）其国。

《明史·西域四·撒马儿罕》

永乐二年（公元1404年）

六月，（哈密）复贡，请封，乃封忠顺王，赐金印，复贡马谢恩。已而迤北可汗鬼力赤毒死之，其国人以病卒闻。

《明史·西域一·哈密卫》

六月甲午，封安克帖木儿为忠顺王。

《明史·成祖本纪》二

（哈密）安克帖木儿贡马，诏封为忠顺王，即以其地置哈密卫。关以西卫七，曰哈密、安定、阿端、赤斤蒙古、曲先、罕东、罕东左，而哈密最西。东去肃州，西去土鲁番，各千五百里。北数百里抵瓦剌，以天山为界。授其头目马哈麻火只目等指挥，分居苦峪城，赐金印。诏命凡西域入贡，悉道哈密译上，亦汉武遗意也。

《明史纪事本末·兴复哈密》

（哈密）恩克特穆尔（旧作安克帖木儿）嗣职，遣使入贡，封为忠顺王。寻设哈密卫，以其头目为指挥，千、百户等官。

《明会要·外蕃·哈密卫》

（别失八里）遣使贡玉璞、名马，宴赉有加。时哈密忠顺王安克帖木儿为可汗鬼力赤毒死，（别失八里）沙迷查干率师讨之。帝嘉其义，遣使赉以彩币，令与嗣忠顺王脱脱敦睦。

《明史·西域四·别失八里》

是年，别失八里入贡。

《明史·成祖本纪二》

永乐三年（公元1405年）

二月，遣官赐祭（安克帖木儿），以其兄子脱脱为（哈密）王，赐玉带。脱脱自幼俘入中国，帝拔之奴隶中，俾列宿卫，欲令嗣爵。恐其国不从，遣官问之，不敢违，请还主其众。因赐其祖母及母彩币，旋遣使贡马谢恩。

《明史·西域一·哈密卫》

二月，（哈密）安克帖木儿兄子脱脱袭为忠顺王。

《明纪·成祖纪》一

傅安等尚未还，而朝廷闻（撒马儿罕）假道别失八里率兵东，敕甘肃总兵官宋晟戒备。

《明史·西域四·撒马儿罕》

是年，火州来贡。

《明史·成祖本纪》二

永乐四年（公元1406年）

春，甘肃总兵宋晟奏，（哈密王）脱脱为祖母所逐。帝怒，敕责其头目曰：“脱脱朝廷所立，即有过，不奏而擅逐之，是漫朝廷也。老人昏耄，头目亦不知朝廷耶？即迎归，善匡辅，俾孝事祖母。”

《明史·西域一·哈密卫》

正月，西域贡佛舍利，郑赐请因是释囚。帝曰：“梁武、元顺溺佛教，有罪者不刑，纪纲大坏，此岂可效乎？”

《明纪·成祖纪》一

三月，立哈密卫，以其头目马哈麻火者为指挥千户等官，又以周安为忠顺王长史，刘行为纪善，辅导。

《明史·西域一·哈密卫》

五月，命鸿胪丞刘帖木儿护别失八里使者归，因赍彩币赐其（火州）王子哈散。

《明史·西域一·火州》

夏，（别失八里）来贡，命鸿胪寺丞刘帖木儿赍敕币劳赐，与其使者偕行。秋、冬暨明年夏三人贡，因言撒马儿罕本其先世故地，请以兵复之。命中官把太、李达及刘帖木儿赍敕戒以审度而行，毋轻举，因赐之彩币。

《明史·西域四·别失八里》

（于阗）遣使来朝，贡方物。使臣辞归，命指挥神忠毋撒等赍玺书偕行，赐其酋织金文绮。其酋打鲁哇亦不剌金遣使者贡玉璞，命指挥尚衡等赍书币往劳。

《明史·西域四·于阗》

刘帖木儿使别失八里，因命赍彩币赐柳城酋长。

《明史·西域一·柳城》

冬，授（哈密）头目十九人为都指挥等官。

《明史·西域一·哈密卫》

遣官使别失八里，道（土鲁番）其地，以彩币赐之。其万户赛因帖木儿遣使贡玉璞，明年达京师。

《明史·西域一·土鲁番》

是年，于阗、别失八里入贡。回回结牙曲进玉碗，却之。

《明史·成祖本纪二》

永乐五年（公元1407年）

二月甲子，设四夷馆：蒙古、女直、西番、西天、回回、百夷、高昌、缅甸凡八馆，隶翰林院。

《明史会要·职官》十

六月，傅安等（自撒马儿罕）还。初，安至其国被留，朝贡亦绝。寻令人导安遍历诸国数万里，以夸其国广大。至是帖木儿死，其孙哈里嗣，乃遣使臣虎歹达等送安还。贡方物。帝厚赉其使，遣指挥白阿儿忻台往祭故王，而赐新王及部落银币。其头目沙里鲁儿丁等亦贡驼马。命安赐其王彩币，与贡使偕往。

《明史·西域四·撒马儿罕》

傅安等还。陈德文遍历诸国，说其（哈烈）酋长入贡，皆以道远无至者。于是是年始还。

《明史·西域四·哈烈》

宋晟奏，（哈密）头目陆十等作乱，已诛，虑他变，请兵防御。帝命晟发兵应之，而以安克帖木儿妻子往依鬼力赤，恐诱贼侵哈密，敕晟谨备。晟卒，以何福代之，又敕福开诚抚忠顺。会头目请设把总一人理国政，帝敕福曰：“置把总，是增一王也；政令不一，下安适从。”寝其议。自是比岁朝贡，悉加优赐，其使臣皆增秩授官。

《明史·西域一·哈密卫》

（火州）遣使贡玉璞、方物。使臣言：“回回行贾京师者，甘、凉军士多私送出境，泄漏边务。”帝命御使往按，且敕总兵官宋晟严束之。

《明史·西域一·火州》

别失八里、撒马儿罕入贡。

《明史·成祖本纪》二

永乐六年（公元1408年）

三月，达剌阿鲁台以鬼力赤非元裔，杀之。迎本雅失里于别失八里立为可汗。帝闻之，以书谕本雅失里曰：“自远运既讫，顺帝后爱犹识里达腊至坤帖木儿，凡六传，瞬息之间，未闻一人善终者。我皇考太祖高皇帝，于元氏子孙，加以抚恤，来归者辄令北还，如遣脱古思帖木儿归，嗣为可汗，此南北人所共知。朕之心，即皇考之心，兹元氏

宗桃，不绝如线，去就之机，祸福由分，尔宜审处之。

《明纪·成祖纪》二

其（土鲁番）国番僧清年率徒法泉等朝贡。天子欲令化导番俗，即授为灌顶慈慧圆普通国师，徒七人并为土鲁番僧纲司官，赐赉甚厚。由是其徒来者不绝，贡名马、海青及他物。天子亦数遣官奖劳之。

《明史·西域一·土鲁番》

命内官把太、李达赐（八答黑商）其酋敕书彩币，并及哈实哈儿、葛忒郎诸部，谕以往来通商之意，皆即奉命。

《明史·西域·八答黑商》

把太、李达等赍往（哈实哈儿）赐，即奉命。

《明史·西域四·哈实哈儿》

把太等还，言（别失八里）沙迷查干已卒，弟马哈麻嗣。帝即命太等往祭，并赐其新王。

《明史·西域四·别失八里》

（柳城）万户瓦赤刺即遣使来贡。

《明史·西域一·柳城》

遣傅安赍书币往哈喇（旧作哈烈，一名黑鲁），其酋遣使随安朝贡。赛玛尔堪酋哈里者，哈喇酋兄子也。二人不相能，数构兵。帝因其使臣还，命都指挥白阿儿忻台赍敕，谕以一家之亲，恩爱相厚，足制外侮。自今宜休兵养民，保全骨肉，共享太平之福。并敕谕哈里罢兵，俱赐彩币。白阿儿忻台既奉使，遍诣赛玛尔堪诸国，谕令人朝。诸酋长咸喜，各遣使偕哈喇使臣，贡狮子、西马、文豹诸物。

《明要·外蕃·哈喇》

复遣傅安赍书币往哈烈，其酋沙哈鲁把都儿遣使随安朝贡。

《明史·西域·哈烈》

冬，（瓦剌）马哈木等遣暖答失等随亦剌思来朝贡马，仍请封。

《明史·外国九·瓦剌》

玛哈穆特（旧作马哈木）等遣诺观答失（旧作暖答失）贡马。

《明会要·外蕃·卫拉特》

是年，于阗、瓦剌、撒马儿罕入贡。

《明史·成祖本纪二》

永乐七年（公元1409年）

五月乙未，封瓦剌马哈木为顺宁王、太平为贤义王、把秃孛罗为安乐王。

《明史·成祖本纪》二

威喇特遣使贡马，请封。遂封玛哈穆特为顺宁王，太平为贤义王，巴图博罗为安乐

王。

《明会要·礼》十

夏，封马哈木为特进金紫光禄大夫，顺宁王；太平为特进金紫光禄大夫，贤义王；把秃孛罗为特进金紫光禄大夫，安乐王；赐印诰。暖答失等宴赉如例。

《明史·外国九·瓦剌》

封玛哈穆特为顺宁王，太平为贤义王，巴图博罗为安乐王，赐以印诰。自是，岁一人贡。

《明会·外蕃·卫拉特》

（傅）安等（自撒马儿罕）还，王遣使随入贡。自后，或比年，或间一岁，或三岁，辄入贡。

《明史·西域四·撒马儿罕》

傅安自西域还，其（柳城）酋复遣使随入贡。帝即命安赉绮帛报之。

《明史·西域一·柳城》

（火州）遣使偕哈烈、撒马儿罕来贡。

《明史·西域四·哈烈》

（哈烈贡使）达京师，复命赉赐物偕其使往报。

《明史·西域四·哈烈》

永乐八年（公元1410年）

春，瓦剌复贡马谢恩。自是，岁一人贡。

《明史·外国九·瓦剌》

二月，帝自将征卫拉特（旧作瓦剌）。

《明会要·礼》十一

十一月，遣官赐敕谕（哈密脱脱）之。未至，脱脱以暴疾卒。讣闻，遣官赐祭。擢都指挥同知哈刺哈纳为都佥事，镇守其地，赐敕及白金、彩币。且封脱脱从弟兔力帖木儿为忠义王，赐印诰、玉带，世守哈密。

《明史·西域一·哈密卫》

以朝使往撒马儿罕者，（别失八里）马哈麻待之厚，遣使赉彩币赐之。

《明史·西域四·别失八里》

（哈烈）其酋遣使朝贡。

《明史·西域四·哈烈》

帝既自将击破木雅失里及阿鲁台兵，（瓦剌）马哈木上言请得早为灭寇计。

《明史·外国九·瓦剌》

永乐九年（公元1411年）

十月癸卯，封哈密兔力帖木儿为忠义王。

《明史·成祖本纪》二

封推勒特穆尔（旧作兔力帖木儿）为忠义王，赐印诺，世守哈密。自是修贡唯谨。

《明会要·外蕃·哈密卫》

（别失八里）贡名马、文豹，命给事中傅安送其使还，资金织文绮。时瓦剌使者言马哈麻将袭其部落，因谕以顺天保境之义。

《明史·西域四·别失八里》

是年，别失八里献文豹，

《明史·成祖本纪》二

永乐十年（公元1412年）

撒马儿罕酋哈里者，哈烈酋兄子也，二人不相能，数构兵。帝因其使臣还，命都指挥白阿儿忻台赍敕谕（哈烈）之曰：“天生民而立之君，俾各遂其生。朕统御天下，一视同仁，无间遐尔，屡尝遣使谕尔。尔能虔修职贡，抚辑人民，安于西徼，朕甚嘉之。比闻尔与从子哈里构兵相仇，朕为惻然。一家之亲，恩亲相厚，足制外侮。亲者尚尔乖戾，疏者安得协和。自今宜休兵养民，保全骨肉，共享太平之福。”因赐彩币表里，并敕谕哈里罢兵，亦赐彩币。

《明史·西域四·哈烈》

（瓦剌）马哈木遂攻杀木雅失里。复上言欲献故元传国玺，虑阿鲁台来邀，请中国除之；脱脱不花子在中国，请遣还；部属多从战有功，请加赏赉；又瓦剌土马强，请予军器。帝曰：“瓦剌骄矣，然不足较。”赉其使而遣之。

《明史·外国九·瓦剌》

是年，（哈密）献马谢恩，自是修贡惟谨，故王祖母亦数奉贡。

《明史·西域一·哈密卫》

永乐十一年（公元1413年）

夏，（火州）都指挥白阿儿忻台遣使偕俺的干、失刺思等九国来贡。

《明史·西域一·火州》

秋，命陈诚、李暹等以玺书、文绮、纱罗、布帛往劳（火州）。

（同上）

白阿儿忻台既奉使（哈烈），遍诣撒马儿罕、失刺思、俺的干、俺都淮、土鲁番、火州、柳城、哈实哈儿诸国，赐之币帛，谕令入朝。酋长咸喜，各遣使偕哈烈使臣贡狮子、西马、文豹诸物。十一年达京师。帝喜，御殿受之，犒赐有加。自是诸国使并至，皆序哈烈于首。及归，命中官李达、礼部员外郎陈诚、户部主事李暹、指挥金哈蓝白等送之，就赉玺书、文绮、纱罗诸物，分赐其酋。

《明史·西域四·哈烈》

(哈实哈儿)遣使隋白阿儿忻台入朝,贡方物。

《明史·西域四·哈实哈儿》

(失刺思)遣使偕哈烈、俺的干、哈实哈儿等八国,随白阿儿忻台入贡方物,命李达、陈诚等赍敕偕其往劳。

《明使·西域四·失刺思》

(别失八里)贡使将至甘肃,命所司宴劳,且敕总兵官李彬善遇之。

《明史·西域四·别失八里》

(俺的干)与哈烈并贡。

《明史·西域四·俺的干》

(柳城)遣使随白阿儿忻台入贡。

《明史·西域一·柳城》

冬,(柳城)万户观音奴再遣使随傅安入贡

(同上)

(瓦剌)马哈木留敕使不遣,复请以甘肃、宁夏归附达鞑者多其所亲,请给还。帝怒,命中官海童切责之。冬,马哈木等拥兵饮马河,将入犯,而扬言袭阿鲁台。开平府守将以闻,帝诏亲征。

《明史·外国九·瓦剌》

十一月壬午,瓦剌马哈木渡饮马河,阿鲁台告警,命边将严守备。

《明史·成祖本纪》二

(瓦剌)拥兵将入犯。帝乃亲征,破其众于和喇和锡衮(旧作忽兰忽失温),追至图拉河(旧作土刺河)而还。玛哈穆特(旧作马哈木)等遁。

《明会要·外蕃·卫喇特》

是年,别失八里入贡。(瓦剌)马哈木弑其主本雅失里,立答里巴为可汗(注:马哈木杀本雅失里应永乐十年,此处系误入十一年)。

《明史·成祖本纪》二

永乐十二年(公元1414年)

二月,诏亲征卫拉特(旧作瓦剌)。

《明会要·礼》十一

夏,驻蹕忽兰忽失温。(瓦剌)三部埽境来战,帝麾安远侯柳升、武安侯郑亨等先尝之,而亲率铁骑驰击,大破之,斩王子十余人,部众数千级。追奔,渡两高山,至土刺河。马哈木等脱身遁,乃班师。

《明史·外国九·瓦剌》

六月,至和拉和锡衮(旧作忽兰忽失温)。大破卫拉特兵,追至图拉河(旧作土拉

河)。玛哈穆特(旧作马哈木)遁。

《明会要·礼》十一

六月甲辰，刘江遇瓦剌兵，战于康哈里孩，败之。

《明史·成祖本纪》三

六月戊申，次忽兰忽失温，(瓦剌)马哈木来犯，大败之追至土刺河，马哈木霄遁。

(同上)

六月己巳，以败瓦剌诏天下。

(同上)

冬，有自西域还者，言(别失八里)马哈麻母及相继卒。帝愍之，命傅安赍敕慰问，赍以彩币。已而马哈麻亦卒，无子，从子纳里失只罕嗣。

《明史·西域四·别失八里》

陈诚使(八答黑商)其国。

《明史·西域四·八答黑商》

(瓦剌)玛哈穆特(旧作马哈木)等贡马谢罪，且还前所留使，词卑。帝曰：“卫拉特不足较。”受其使献，馆其使者。

《明会要·外蕃四·卫喇特》

永乐十三年(公元1415年)

春，正月丁未，(瓦剌)马哈木谢罪，请朝贡。许之。

《明史·成祖本纪》三

春，(瓦剌)马哈木等贡马谢罪，且还前所留使，词卑。帝曰：“瓦剌故不足较。”受其献，馆其使者。

《明史·外国九·瓦剌》

吏部员外郎(陈诚)使西域，土鲁番遣使随入贡，授都督、都指挥等官。

《明会要·外蕃四·土鲁番》

李达等还，哈烈诸国复遣使偕来，贡文豹、西马及其它方物。

《明史·西域四·哈烈》

哈喇(旧称哈烈)诸国复遣使偕来，贡文豹、西马及其他方物。

《明会要·外蕃四·哈喇》

瓦剌与阿鲁台战，败走。未几马哈木死，海童归言，瓦拒命，由顺宁，顺宁死，贤义、安乐皆可抚。帝因复使海童往劳太平、把秃孛罗。

《明史·外国九·瓦剌》

(撒马儿罕)遣使随李达、陈诚等入贡。暨辞归，命陈诚及中官鲁安偕往，赐其头

目兀鲁伯等白银、彩币。其国复遣使随诚等人贡。

《明史·西域四·撒马儿罕》

陈诚自西域还，所经哈烈、撒马儿罕、别失八里、俺都淮、八答黑商、迭里迷、沙鹿海牙、赛蓝、渴石、养夷、火州、土鲁番、盐泽、哈密、达失干、卜花儿凡十七国，悉祥其山川、人物、风俗，为《使西域记》以献，以故中国得考焉。

《明史·西域四·卜花儿》

是年，哈密、哈烈、撒马儿罕、火州、土鲁番等入贡。

《明史·成祖本纪》三

永乐十四年（公元1416年）

春，（别失八里）使来告丧。命傅安及中官李达吊祭，即封其嗣子为王，赉文绮、弓、刀、甲胄，其母亦有赐。

《明史·西域四·别失八里》

三月壬寅，阿鲁台败瓦剌，来献捷。

《明史·成祖本纪》三

（哈喇）再贡。及还，命陈诚赉书币报之，所过州县皆宴践。

《明会要·外蕃四·哈喇》

（注：又《明史·西域四·哈烈》亦有前条之记载。）

鲁安等使哈烈、失刺思诸国，复便道赐（俺的干）其酋长文绮。然地小不能常贡，后竟不至。

《明史·西域四·俺的干》

使俺都淮，撒马儿罕者道经（亦思弗罕）其地，赐其酋长文绮诸物。

《明史·西域四·亦思弗罕》

永乐十五年（公元1417年）

（别失八里）遣使来贡，言将嫁女撒马儿罕，请以马市妆奁。命中官李信等，以绮、帛各五百匹助之。

《明史·西域四·别失八里》

（哈烈）遣使随陈诚等来贡。

《明史·西域四·哈烈》

是年，别失八里、哈烈、撒马儿罕入贡。

《明史·成祖本纪》三

永乐十六（公元1418年）

春，海童偕瓦剌贡使来。马哈木子脱欢请袭爵，帝封为顺宁王。而海童及都督苏火耳灰等以彩币往赐太平、把秃李罗及弟昂克，别遣使祭故顺宁王。自是，瓦剌复来奉

贡。

《明史·外国九·瓦剌》

(别失八里)贡使速哥言其王为从弟歪思所弑，而自立，徙其部落西去，更国号曰亦力把里。帝以番俗不足治，授速哥为都督金事，而遣中官杨忠等赐歪思弓刀、甲冑及文绮、彩币，其头目忽歹达等七十余人并有赐。自是奉贡不绝。

《明史·西域四·别失八里》

(哈烈)复贡，命李达等报如初。

《明史·西域四·哈烈》

(伊力巴拉：旧称别失八里)布色(旧称歪思)弑其从兄王诺果沙扎该(旧作纳黑失只罕)，自立为王，徙其部落西去，更号伊里巴拉，宣德后，屡入贡。

《明会要·外蕃四·伊里巴拉》

是年，哈烈、撒马儿罕入贡。

《明史·成祖本纪》三

永乐十七年(公元1419年)

帝以朝使西域者，(哈密)忠义王致礼延接，命中官赉绮帛劳之，赐其母金珠、冠服、彩币及其部下头目。其使臣及境内回回贡马三千五百余匹及貂皮诸物，诏赐钞三万二千锭、绮百、帛一千。

《明史·西域一·哈密卫》

(亦思弗罕)偕邻国失刺共贡狮、豹、西马，赉白金、钞币。使臣辞还，命鲁安等送之。有马哈木者，愿留京师，从其请。

《明史·西域四·亦思弗罕》

是年，哈密、土鲁番、失刺思、亦思弗罕入贡。

《明史·成祖本纪》三

永乐十八年(公元1420年)

复命陈诚及中官郭敬赉敕及彩币(赴撒马儿罕)报之。

《明史·西域四·撒马儿罕》

(哈烈)偕于阗、八答黑商来贡。

《明史·西域四·哈烈》

(八答黑商)遣使来贡，命陈诚及内官郭敬赉书币往报。

《明史·西域四·八答黑商》

(于阗)偕哈烈、八答黑商诸国贡马，命参政陈诚、中官郭敬等报以彩币。

《明史·西域四·于阗》

(失刺思)遣使偕亦思弗罕诸部贡狮子、文豹、名马，辞还。复命鲁安等送之，赐

其酋绒锦、文绮、纱罗、玉系腰、磁器诸物。时车驾频岁北征，乏马，遣官多赍彩币、磁器，市之失刺思及撒马儿罕诸国。其酋即遣使贡马。

《明史·西域四·失刺思》

永乐十九年（公元1421年）

是年，瓦剌贤义王太平、安乐王把秃孛罗来朝。

《明史·成祖本纪》三

永乐二十年（公元1422年）

瓦剌侵掠哈密，朝廷责之，遣使谢罪。

《明史·外国九·瓦剌》

（土鲁番）其酋尹吉儿察与哈密共贡马千三百匹，赐赉有加。已而尹吉儿察为别失八里歪思所逐，走归京师。天子悯之，命为都督金事，遣还故土。尹吉儿察德中国，洪熙元年，尹吉儿察躬率部落来朝。

《明史·西域一·土鲁番》

（柳城）与哈密共贡羊二千。

《明史·西域一·柳城》

（哈烈）复偕于阗来贡。

《明史·西域四·哈烈》

（于阗）贡美玉，赐赉有加。

《明史·西域四·于阗》

是年，哈密、瓦剌、土鲁番入贡。

《明史·成祖本纪》三

永乐二十一年（公元1423年）

八月，（失刺思）使谒帝宣府之行宫。厚赐之，遣还京师，其人遂久留内地不去。仁宗嗣位，趣之还，乃辞去。

《明史·西域四·失刺思》

是年，哈密贡骆驼三百三十，马千匹。

《明史·成祖本纪》三

永乐二十二年（公元1424年）

瓦剌贤义王太平部下来贡，中道为贼所梗，（沙州酋长）困即来遣人卫送至京。帝嘉之，赍以彩币，寻进秩都督金事。

《明史·西域二·沙州卫》

（于阗）贡马及方物。时仁宗初践阼，即宴赉遣还。

《明史·西域四·于阗》

冬，瓦剌部属赛因打力来降，命为所镇抚，赐彩币、袈衣、鞍马，仍令有司给供

具。自后来归者，悉如例。

《明史·外国九·瓦剌》

是年，哈密、于阗、瓦剌入贡。

《明史·成祖本纪》三

明仁宗朱高炽

洪熙元年（公元1425年）

哈密贡硫黄，上曰：“哈密既有硫黄，猝遇战斗，需有备。敕边吏知之。”

《明史纪事本末·兴复哈密》

（土鲁番）尹吉察儿躬率部落来朝。

《明史·西域一·土鲁番》

其（土鲁番）酋音济彻尔（旧作尹吉察儿）躬率部落来朝。

《明会要·外蕃四·土鲁番》

先是永乐时，成祖欲远方万国无不臣服，故西域之使岁岁不绝。诸蕃贪中国财帛，且利市易，络绎道途。商人伪称贡使，多携马、驼、玉石，声言进献。既入关则一切舟车水陆，晨昏饮饌之费，悉取之有司。邮传困供亿，军民疲转输。彼西旧，辄缘道迟留，多市货物。东西数千里间，骚然烦费，公私上下罔不怨咎。廷臣莫敢为言，天子亦莫之恤也。至是，给事中郭骥极陈利害。仁宗感其言，召礼官吕震责让之。自是，不复使西域，贡使亦渐稀。

《明史·西域四·于阗》

（哈密）再入贡，贺即位。仁宗崩，宣宗继统，其王兔力帖木儿亦卒，使来告哀。

《明史·西域一·哈密卫》

亦力把里及撒马儿罕先后入贡，道经哈密，并为沙州贼邀劫。宣宗怒，命肃州守将费献剿之。

《明史·西域二·沙州卫》

是年，哈密回回、瓦剌入贡。

《明史·仁宗本纪》

明宣宗朱瞻基

宣德元年（公元1426年）

遣官赐祭（哈密兔力帖木儿），命故王脱脱子卜答失里嗣忠顺王，且以登极肆赦，命其国中亦赦，复贡马谢恩。

《明史·西域一·哈密卫》